

四庫全書

集部

欽定四庫全書

王右丞集箋注卷二十

仁和趙殿成撰

文讚七首

讚佛文

竊以真如妙宰具十方而無成涅槃至功滿四生而不

庶庶疑是廣字之訛

故無邊大照不照得空有之深萬法偕行

無行為滿足之地惟茲化佛即具三身不捨凡夫本無

五蘊實藉津梁相法脫落塵容始于度門漸于空舍然  
後金剛道後為三界太師玉毫光相得一生補處左散  
騎常侍攝御史中丞崔公第十五娘子于多劫來植衆  
德本以般若力生菩提家舍哺則外葷羶勝衣而斥珠  
翠教從半字便會聖言戲則剪花而為佛事常侍公頃  
以入朝天闕上簡帝心雖功在于生人深辭拜命願賞  
延于愛女密啓出家白法宿修紫書方降即令某月日  
敬對三世諸佛十方賢聖稽首合掌奉詔落髮久清三

業素成菩薩之心新下雙鬃如見如來之頂綺襦方解  
樹神獻無價之衣香飯當消天王持衆寶之鉢惟娘子  
舍諸珍寶塗彼戒香在微塵中見億佛刹如獻珠頃具

六神通

頃願本作須具願本  
作與俱訛今校正

伏願以度人設齋功德上

奉皇帝聖壽無疆記椿樹以為年土宇無垠色蓮花而  
為界又用莊嚴常侍公出為法將入拜台臣身在百官  
之中心超十地之上夫人以文殊智本是法王在普賢  
心長為佛母即君娘子等住誠性為孝順用闕德為道

場將遍眾生之慈迴同一子之想又願普同法界盡及

有情共此勝因俱登聖果

十方

法苑珠林十方謂四方四維上下俗儒所說惟據此洲洲外有洲古今未說若依內典通窮無

際橫亘十方傍羅異域今佛教中娑婆忍土百億日月四重圍輪大千世界名一佛土此猶據化佛釋迦如來所王之域故華嚴經云盧舍那佛報身如來所王之土復過是數盡十方界非凡所謀

涅槃

涅槃經涅槃亦名無生亦名彼岸魏書釋老志涅槃釋云滅度或言常樂我淨明無遷謝及諸苦累也錦繡萬花谷梵語涅槃此云無為楞伽經云乃不生不死之地一切修行之所依歸佛說施燈文云願一切眾生皆得涅槃微妙光明至涅槃者乃無行菩薩瓔有微妙光明世人誤認以為死大非也

無行菩薩瓔

何有行無行諸法不生不滅無過去當來今現在是謂無行必終諸法分別過去當來今現在是謂有行

三身

釋氏要覽三身一清淨法五蘊宗鏡錄五蘊身二圓滿報身三變化身五蘊者藏也亦云五

陰陰者覆也即蘊藏妄種覆蔽真心雜集論云蘊者積聚義又荷雜染擔故名為蘊如肩荷擔大藏一覽大乘五蘊論云五蘊者謂色受想行識色蘊四大所成也受蘊領納苦樂不苦不樂三也想蘊取種種境也行蘊諸心所法貪不息也識蘊于所緣境了別為性亦名心意採集所攝也錦繡萬花谷五蘊謂色受想行識也色謂色身有形或黃或白是也受謂一切受苦受樂受用是也想謂一切思念是也行謂所行之事識謂曉解世津梁世說庾公嘗入佛圖見臥佛問事五蘊即五陰津梁曰此子疲于津梁沈約內典序舟輿六趣塵容北山移文焚芟製而裂度門楞迦津梁五道荷衣抗塵容而走俗狀度門經無

量度門隨

空舍

維摩詰經畢竟空寂舍鳩摩羅什曰障蔽風雨莫過于舍滅除衆想莫妙

于空亦能絕諸問難降伏魔怨猶密宇深重寇患自消亦云有非真要時復暫遊空為理宗以為常宅也

金剛

仁王經世尊導師金剛體心行寂滅轉法輪

三界大師

釋氏要覽佛稱三界大師

者瑜伽論云能化導無量衆生令入寂滅又云摧滅邪穢外道出現世界故號大師玉毫光相

華嚴經菩薩摩訶薩于兜率天下生之時從于眉間白毫相中放大光明名曰覺悟普照三千大千世界

照彼宿世一切同行菩薩身彼諸菩薩蒙光照已咸知菩薩將欲下生各各出興無量供具詣菩薩所而

為供

一生補處

菩薩瓔珞經菩薩初舉右足踏地之時復作是念過去諸佛先行是法當

觀一生補處菩薩紹吾處者名號是誰法苑珠林須達問舍利弗言是六天何處最樂舍利弗言下三色

染上二憍逸第四天中少欲知足恒有多劫隋書每

一生補處菩薩來生其中法訓不絕

多劫

佛滅度

遺法相傳有正像末三等淳醜之異年歲遠近亦各

不同末法以後衆生愚鈍無復佛教而業行轉惡年

壽短促經數千百載間乃至朝生夕死然後有大水

大火大風之災一切除去之而更立生人又歸淳朴

謂之小劫每一小劫則一佛出世法苑珠林夫劫者

蓋是紀時之名猶年號耳華嚴經多劫在惡趣始得

見聞汝植衆德本維摩詰經時維摩詰即入三昧令此

比丘自識宿命曾于五百佛所植衆

德本迴向阿耨多般若翻譯名義般若法界次第云

羅三藐三菩提秦言智慧照了一切諸法皆

不可得而能通達一菩提翻譯名義菩提後代諸師

切無闕名為智慧皆譯為道以大論翻為佛

道故僧肇維摩詰經註道之極者稱曰菩提秦無言

以譯之菩提者蓋是正覺無相之真智乎其道虛元



妙絕常境聰者無以容其聽智者無以運其知辯者無以措其言像者無以狀其儀故其為道也微妙無相不可為有用之彌勤不可為無故能幽鑑萬物而不耀元軌超駕而弗夷大包天地而罔寄曲濟羣惑而無私至能導達殊方開物成務元機必察無思無慮然則無知而無不知無為而無不為者其惟菩提大覺之道乎此無名之法固非名所能名也不知所以言故強名曰菩提斯無為之道豈可以身心而得乎

**含哺** 莊子含哺而遊 **勝衣** 史記三王世家能勝衣趨拜 **半字** 涅槃經譬

如長者惟有一子心常憶念憐愍無已將詣師所欲令受學懼不速成尋便將還以愛念故晝夜殷勤教其半字而不教誨毘伽羅論何以故以其幼稚力未堪故梁僧佑法師梵漢譯經音義同異記梵書製文有半字滿字所以名半字者義未具足故字體半偏猶漢文月字虧其旁也所以名滿字者理既究竟故

字體圓滿猶漢文日字盈其形也半字雖單為字根本緣有半字得成滿字譬凡夫始于無明得成常住

故因字製義以譬涅槃

紫書

元和郡縣志武都有紫水泥亦紫漢朝封壘書

用紫泥即此水之泥也太平寰宇記隴右記云武都紫水有泥其色赤紫而粘用之封壘書故詔誥有紫

泥之

合掌

釋氏要覽合掌若此方之又手也法苑云若指合其掌不合者良由心慢而情散也

必須指掌相著不令虛也

三業

翻譯名義業有三種謂身口意業

菩薩

錦繡萬花谷梵語菩

提此云覺梵語薩埵此云有情言菩薩者本云菩提薩埵欲簡于稱呼故省文言菩薩此云覺有情也凡

有生皆有情菩薩乃有情之中覺者耳佛有覺性而無情菩薩亦未免有情故謂之覺有情如來

頂涅槃經佛告迦葉一切人天魔王波旬沙門婆羅門無有能見我頂相者大般若經如來頂相無能

見綺襦

說文襦短衣也

朱切古詩緗綺為下裙紫綺為上襦

從衣需聲一曰羅衣

人

樹神

者

法苑珠林佛告文殊師利我初踰城離父王宮四十里到彼叢林身小疲怠權時止息時彼樹神現身告我言汝今修道定得金色身為三界大師迦葉佛涅槃時付囑我珠函并絹僧伽梨令我轉付囑汝我語神言汝絹僧伽梨非我所用我聞先老所言諸佛出世不著蠶衣我今修道如何害生以付我著汝今是魔故來相惱樹神告言汝大智人何輒麤言諸佛慈悲實不著蠶衣此緣化出非是害生汝今受此珠函開中有字我即開函具見諸奇特事有大毘尼及修多羅藏迦葉佛遺教並在此中并見僧伽梨彼佛手迹遺書付囑樹神令付與我伽葉佛書云我初成道時大梵天王施我彼緣是化出非是縹蠶梵天王施經緣堅牢地神王施我我自成道已來常披此衣未嘗由是義故今持施我我自成道已來常披此衣未嘗

損失今付恚達若得成佛取我僧伽梨安置祇洹中  
若轉毘尼時當為我著今留此衣汝涅槃後一百年  
初有無智比丘分毘尼藏遂為五部從百年後分汝  
修多羅當為無量部諍論由興令法速滅由彼愚僧  
不闕三藏聞開著繒衣即謂殺蠶汝若成道後彼緣  
自出諸國非是殺蠶故我將付樹神令轉付汝此函  
中並是我遺教亦香飯維摩詰經阿難白佛言今所  
將付汝住持遺法香飯聞香自昔未有是為何香佛  
告阿難是彼菩薩毛孔之香于是舍利弗語阿難言  
我等毛孔亦出是香阿難言此所從來曰是長者維  
摩詰從眾香國取佛餘飯于舍食者一切毛孔皆香  
若此阿難問維摩詰是香氣住當久如維摩詰言至  
此飯消曰此飯久如當消曰此飯勢力至于七日然  
後乃消又阿難若聲聞人未入正法食此飯者得入  
正位然後乃消已入正位食此飯者得心解脫然後  
乃消若未發大乘意食此飯者至發意乃消已發意

食此飯者得無生忍然後乃消已得無生忍食此飯者至一生補處然後乃消譬如藥名曰上味其有服者身諸毒滅然後乃消此飯如是滅除一切諸煩惱毒然後乃消阿難白佛言未曾有也世尊如此香飯能作眾寶鉢西域記佛在樹下結跏趺坐寂然宴佛事眾寶鉢默受解脫樂過七日後方從定起時二商主行次林外而彼林神告商主曰釋種太子今在此中初證佛果心凝寂定四十九日未有所食隨有奉上獲大善利時二商主各持行資麩蜜奉上世尊思以何器受之時四天王從四方來各持金鉢而以奉上世尊默然而不納受以為出家不宜此器四天王捨金鉢奉銀鉢乃至頗胝瑠璃瑪瑙車渠真珠等鉢世尊皆不受四天王各還宮奉持石鉢紺青映徹重以進獻世尊斷彼此故而總受之次第重疊按為一鉢其外戒香涅槃經願諸眾生戒香具足維摩則有四際焉戒香詰經淨心以澡浴戒品為塗香華

嚴經恒塗淨戒微塵華嚴經一切諸佛皆悉能于一  
香忍辱牢莊嚴微塵中示現衆刹與一切世界  
微塵數等具足種種上妙莊嚴恒于其中轉妙法輪  
教化衆生而微塵不大世界不小常以智證安住法  
界獻珠法華經文殊師利言有娑竭羅龍王女年始  
八歲智慧利根善知衆生諸根行業得陀羅  
尼諸佛所說甚深秘藏悉能受持深入禪定了達諸  
法于剎那頃發菩提心得不退轉辯才無礙慈念衆  
生猶如赤子功德具足心念口演微妙廣大慈悲仁  
讓志意和雅能至菩提智積菩薩言我見釋迦如來  
于無量劫難行苦行積功累德求菩提道未曾止息  
觀三千大千世界乃至無有如芥子許非是菩薩捨  
身命處為衆生故然後乃得成菩提道不信此女子  
須臾頃便成正覺言論未訖時龍王女忽現于前頭  
面禮敬却住一面舍利弗語龍女言汝謂不久得無  
上道是事難信所以者何女身垢穢非是法器云何

欽定四庫全書

王右丞身箋注  
卷二十

能得無上菩提佛道懸曠經無量劫勤苦積行具修諸度然後乃成又女人身猶有五障一者不得作梵天王二者帝釋三者魔王四者轉輪聖王五者佛身云何女身速得成佛爾時龍女有一寶珠價值三千大千世界持以上佛佛即受之龍女謂智積菩薩尊者舍利弗言我獻寶珠世尊納受是事疾不答言甚疾女言以汝神力觀我成佛復速于此當時眾會皆見龍女忽然之間變成男子具菩薩行即往南方無垢世界坐寶蓮花成等正覺三十二相八十種好普為十方一切眾生演說妙法爾時娑婆世界菩薩聲聞天龍八部人與非人皆遙見彼龍女成佛普為時會人天說法心大歡喜悉遙敬禮無量眾生聞法解悟得不退轉無量眾生得受道記無垢世界六反震動娑婆世界三千眾居住不退地三千眾發菩提心而得受記智積菩薩及舍六神通瓔珞經以有常利弗一切眾會默然信受神通無常神通

自識宿命神通識他宿命神通眼識神通耳識神通  
為六神通大般若經云何名六神通神通神境智證通天  
眼智證通天耳智證通他心智證通宿住椿樹莊子  
隨念智證通漏盡智證通是名六神通  
有大椿者以八千歲文殊華嚴經東北有處名清  
為春八千歲為秋涼山從昔已來諸菩薩衆  
于中止住現有菩薩名文殊師利與其眷屬諸菩薩  
衆一萬人俱常在其中而演說法法華經是文殊師  
利法王之子已曾親近普賢心華嚴經入法界品云  
供養過去無量諸佛時善財童子即見普  
賢菩薩在如來前衆會之中坐寶蓮花師子之座諸  
菩薩衆所共圍繞最為殊特世無與等智慧境界無  
量無邊難測難思等三世佛一切菩薩無能觀察又  
離世間品云菩薩摩訶薩發十種普賢心何等為十  
所謂發大慈心救護一切衆生故發大悲心代一切  
衆生受苦故發一切施心悉捨所有故發念一切智



為首心樂求一切佛法故發功德莊嚴心學一切菩薩行故發如金剛心一切處受生不忘失故發如海心一切白淨法悉流入故發如大山王心一切惡言皆忍受故發安穩心施一切眾生無怖畏故發般若波羅蜜究竟心巧觀一切法無所有故若佛母華嚴諸菩薩安住此心疾得成就普賢善巧智佛母經摩耶夫人言佛子我已成就菩薩大願智幻解脫門是故常為諸菩薩母善男子如我于此閻浮堤中迦毘羅城淨飯王家右脇而生悉達太子現不思議自在神變如是乃至盡此世界海所有一切毘羅遮那如來皆入我身示現誕生自在神變善男子我于淨飯王宮菩薩將欲下生之時現諸奇特事與眷屬俱來入我身彼諸菩薩于我腹中遊行自在或以三千大千世界而為一步或以不可說佛剎微塵數世界而為一步又念念中十方不可說一切世界諸如來所菩薩眾會及四天王天三十三天乃至色界諸梵天

手欲見菩薩處胎神變恭敬供養聽受正法皆入我  
身雖我腹中恚能容受如是衆會而身不廣大亦不  
迫窄其諸菩薩各見自處衆會道場清淨嚴飾善男  
子如此四天下閻浮提中菩薩受生我為其母三千  
大千世界百億四天下閻浮提中悉亦如是然我此  
身本來無二非一處住非多處住善男子如今世尊  
我為其母往昔所有無量諸佛悉亦如是而為其母  
我昔曾作蓮華池神時有菩薩于蓮華藏忽然化生  
我即捧持瞻侍養育一切世間皆共號我為菩薩母  
又我昔為善提場神時有菩薩于我懷中忽然化生  
世亦號我為菩薩母善男子有無量最後身菩薩于  
此世界種種方便示現受生我皆為母善男子如此  
世界賢劫之中過去世時拘留孫佛拘那含牟尼佛  
迦葉佛及今世尊釋迦牟尼佛現受生時我為其母  
未來世中彌勒菩薩從兜率天將降神時放大光明  
普照法界示現一切諸菩薩衆受生神變乃于人間

生大族家調伏衆生我于彼時亦為其母如是次第  
有師子佛法幢佛善眼佛淨華佛乃至樓至如來在  
賢劫中于此三千大千世一子想涅槃經如來恒于  
界當成佛者悉為其母衆生一子想而  
為演說無上法故譬如長者多有財寶唯有一子心  
甚愛重情無捨離所有珍寶悉用示之如來亦爾視  
諸衆生同法界釋氏以地獄餓鬼畜生修羅人道天  
于一子道聲聞緣覺菩薩佛十等所住之界  
謂之聖果大般若經已得  
法界現觀已得聖果

西方變畫讚并序

法身無對非東西也淨土無所離空有也若依佛慧既  
洗滌于六塵未捨法求獸如幻于三有故大雄以不思

議力開方便門我心猶疑未認寶藏商人既倦且息化  
城究竟達于無生因地從于有相西方淨土變者左常  
侍攝御史中丞崔公夫人李氏奉為亡考故某官中祥  
之所作也夫人門為士族之先道為梵行之首大師繼  
踵望塵而理印命婦盈朝聞風而素履心王自在萬有  
皆如頂法真空一乘不立以示見故菩薩為勝鬘夫人  
同解脫因天女讚維摩長者顧本天字下多陟岵何至  
一人字今校正

哀哀縗經順有漏法泣血以居念罔極恩滅性非報唯

茲十力所護豈與百身之贖不寶纓絡資于繪素圖極  
樂國象無上樂法王安詳聖衆圍繞湛然不動疑過于  
往來寂爾無聞若離于言說林分寶樹七重遶于香城  
衣捧天花六時散于金地迦陵欲語曼陀未落衆善普  
會諸相具美于是竭誠稽首隕涕焚香願立功德以備  
梯航得彼佛身常以慈悲為女存乎法性還在菩提之  
家偈曰

稽首十方大導師能于一法見多法以種種相導羣生

其心本來無所動稽首無邊法性海功德無量不思議  
于已不色等無礙不住有無亦不捨我今深達真實空  
知此色相體清淨願以西方為導首往生極樂性自在

西方

彌陀經爾時佛告長老舍利弗從是西方過十萬億佛土有世界名曰極樂其土有佛號阿彌

陀今現在說法彼土何故名為極樂其國衆生無有衆苦但受諸樂故名極樂極樂國土七重闌楯七重羅網七重行樹皆是四寶周匝圍繞又極樂國土有七寶池八功德水充滿其中池底純以金沙布地四邊階道金銀琉璃玻璃合成了有樓閣亦以金銀琉璃玻璃磔赤珠瑪瑙而嚴飾之池中蓮華大如車輪青色青光黃色黃光赤色赤光白色白光微妙香潔彼佛國土常作天樂黃金為地晝夜六時雨天曼

陀羅華其土衆生常以清旦各以衣祴盛衆妙華供養他方十萬億佛即以食時還到本國飯食經行彼國常有種種奇妙雜色之鳥白鶴孔雀鸚鵡舍利迦陵頻伽共命之鳥是諸衆鳥晝夜六時出和雅音其音演暢五根五力七菩提分八聖道分如是等法其土衆生聞是音已皆悉念佛念法念僧舍利弗汝勿謂此鳥實是罪報所生所以者何彼佛國土無三惡道其佛國土尚無惡道之名何況有實是諸衆鳥皆是阿彌陀佛欲令法音宣流變化所作彼佛國土微風吹動諸寶行樹及寶羅網出微妙音譬如百千種樂同時俱作聞是音者自然皆生念佛念法念僧之心彼佛何故號阿彌陀彼佛光明無量照十方國無所障礙是故號為阿彌陀彼佛壽命及其人民無量無邊阿僧祇劫故名阿彌陀阿彌陀佛成佛已來于今十劫有無量無邊聲聞弟子皆阿羅漢非是算數之所能知諸菩薩衆亦復如是舍利弗彼佛國土成

就如阿鞞跋致功德莊嚴又舍利弗極樂國土衆生者皆是阿鞞跋致其中多有一生補處其數甚多非是算數所能知之但願願生彼國所以者何得與如是諸生聞者應當發願願生彼國所以者何得與如是諸上善人俱會一處舍利弗不可以少善根福德因緣得生彼國若有善男子善女人聞說阿彌陀佛執持名號若一日若二日若三日若四日若五日若六日若七日一心不亂其人臨命終時阿彌陀佛與諸聖衆現在其前是人終時心不顛倒即得往生阿彌陀佛極樂國土舍利弗我見是利故說此言若有衆生聞是說者應當發願生彼國土如我今淨土法苑珠者讚歎阿彌陀佛不可思議功德之利淨土法苑珠皎潔目之為淨即淨所居名之為土故攝論云所居之土無于五濁如玻瓈柯等名清淨土法華論云無煩惱衆生住處名為淨土淨土不同有四種一法性土以真如為體故梁攝論云以蓮華王為淨土所



依譬法界真如為淨土所依體故二寶報土依攝論云以二空為門三慧為出入路奢摩他毘鉢舍那為乘以根本無分別智為用此皆約報功德辨其出體三事淨土謂上妙七寶是五塵色性聲香味觸為其土相故攝論云佛周遍光明七寶處也又華嚴經云諸佛境界相中種種間錯莊嚴故淨土論云備諸珍寶性具足妙莊嚴又新翻大菩薩藏經云假使如上世界乃至大火洞然如來在中若依經行若住坐臥其處自然八功德水出現于地四化淨土謂佛所變七寶五塵為化土體故涅槃經云以佛神力地皆柔輒無有丘墟土沙礫石乃至猶如西方無量壽佛極樂世界等又大莊嚴論云由智自在隨彼所欲能現水精琉璃等清淨世界又維摩經云佛以足指按地現淨等事又十地經云隨諸衆生心所樂見為示現故此諸經論所明並約化為淨土由佛六塵大藏一神力現故即有攝故即無故名化土 覽六塵

者謂色聲香味觸法也眼見為色塵耳聞為聲塵鼻  
齶為香塵舌嘗為味塵聲染為觸塵意著為法塵

三有

釋氏要覽三有婆沙論云一欲有二色有三無  
色有有者何義謂一切有漏法是佛言若業能

令後生相續是有又云生大雄法華經大雄猛世  
滅故名墮苦集諦中是有尊諸佛之法王不

思議力

瓔珞經如來神  
力不可思議

方便門

法華經此經開方  
便門示真實相寶

藏

法華經爾時慧命須菩提摩訶迦梅延摩訶迦葉  
摩訶目犍連聞世尊授舍利弗阿耨多羅三藐三

菩提記發希有心歡喜踊躍而白佛言我等居僧之  
首年並朽邁自謂已得涅槃無所堪任不復進求阿

耨多羅三藐三菩提今于佛前聞授聲聞阿耨多羅  
三藐三菩提記心甚歡喜得未曾有不謂于今忽然

得聞希有之法深自慶幸獲大善利我等今者樂說  
譬喻以明斯義譬若有人年既幼稚捨父逃逝久住

他國加復窮困馳騁四方以求衣食漸漸遊行遇向本國其父先來求子不得中止一城其家大富財寶無量金銀琉璃珊瑚琥珀瓊珠等其諸倉庫悉皆盈溢多有僮僕臣佐吏民象馬車乘牛羊無數出入息利乃徧他國商估賈客亦甚衆多時貧窮子遊諸聚落經歷國邑遂到其父所止之城父每念子與子離別五十餘年而未曾向人說如此事但自思惟心懷悔恨自念老朽多有財物無有子息一旦終沒財物散失無所委付是以殷勤每憶其子爾時窮子傭賃展轉遇到父舍住立門側遙見其父踞師子牀寶几承足諸婆羅門刹利居士皆恭敬圍繞以真珠瓔珞價值千萬莊嚴其身吏民僮僕手執白拂侍立左右覆以寶帳垂諸華幡香水灑地散衆名華羅列寶物出內取與有如是等種種嚴飾威德特尊窮子見父有大力勢即懷恐怖悔來至此竊作是念此或是王或是王等非我傭力得物之處不如往至貧里肆

力有地衣食易得若久住此或見逼迫強使我作  
是念已疾走而去時富長者于師子座見子便識心  
大歡喜即遣旁人急追將還爾時使者疾走往捉窮  
子驚愕稱怨大喚我不相犯何為見捉使者執之逾  
急強牽將還于時窮子自念無罪而被囚執此必定  
死轉更惶怖悶絕躡地父遙見之而語使言不須此  
人勿強將來以冷水灑面令得醒悟莫復與語所以  
者何父知其子志意下劣自知豪貴為子所難審知  
是子而以方便不語他人云是我子使者語之我今  
放汝窮子歡喜從地而起往至貧里以求衣食爾時  
長者將欲誘引其子而設方便密遣二人形色憔悴  
無威德者汝可詣彼徐語窮子此有作處倍與汝直  
窮子若許將來使作若言欲何所作便可語之雇汝  
除糞時二使人即求窮子具陳上事爾時窮子先取  
其價尋與除糞其父見子慙而怪之又他日子牕  
牕中遙見子身羸瘦憔悴糞土塵望汙穢不淨即脫

瓔珞細軟上服嚴飾之具更著麤弊垢膩之衣塵土  
望身右手執持除糞之器語諸作人汝等勤作勿得  
懈怠以方便故得近其子後復告言汝常此作勿復  
餘去當加汝價諸有所須盆器米麪鹽醋之屬莫自  
疑難亦有老弊使人須者相給我如汝父勿復憂慮  
所以者何汝常作時無有欺怠賾恨怨言都不見汝  
有此諸惡如餘作人自今已後如所生子即時長者  
更與作字名之為兒爾時窮子雖欣此遇猶故自謂  
客作賤人于二十年中常令除糞過是已後心相體  
信入出無難然其所止猶在本處爾時長者有疾自  
知將死不久語窮子言我今多有金銀珍寶倉庫盈  
溢其中多少所應取與汝悉知之我心如是當體此  
意所以者何今我與汝便為不異宜加用心無令漏  
失爾時窮子即受教勅領知眾物金銀珍寶及諸庫  
藏然其所處猶在門外止宿草庵復經少時父知子  
意漸以通泰成就大志自鄙先心臨欲終時而命其

子并會親族國王大臣刹利居士皆悉已集即自宣  
言諸君當知此是我子我之所生于某城中捨吾逃  
走矜嶠辛苦五十餘年昔在本城懷憂推覓忽于此  
間遇會得之今我所有一切財物皆是子有先所出  
內是子所知窮子聞父此言即大歡喜而作自念我  
本無心有所希求今此寶藏自然而至世尊大富長  
者則是如來我等皆似佛子如來常說我等為子世  
尊我等以三苦故于生死中受諸熱惱速惑無知樂  
著小法今日世尊令我等思惟蠲除諸法戲論之糞  
我等于中勤加精進得至涅槃一日之價既得此已  
心大歡喜自以為足便自謂言于佛法中勤精進故  
所得宏多然世尊先知我等心著弊欲樂于小法便  
見縱捨不為分別汝等當有如來知見寶藏之分世  
尊以方便力說如來智慧我等從佛得涅槃一日之  
價以為大得于此大乘無有志求我等又因如來智  
慧為諸菩薩開示演說而自于此無有志願所以者

何佛知我等心樂小法以方便力隨我等說而我等不知真是佛子今我等方知世尊于佛智慧無所怯惜所以者何我等昔來真是佛子而但樂小法若我等有樂大之心佛則為我說大乘法于此經中唯說一乘而昔于菩薩前毀訾聲聞樂小法者然佛實以大乘教化是故我等說本無心有所希求今法王大寶自然而至如佛子化城法華經譬如五百由旬險所應得者皆已得之化城難惡道曠絕無人怖畏之處若有多眾欲過此道至珍寶處有一導師聰慧明達善知險道通塞之相將導眾人欲過此難所將人眾中路懈退白導師言我等疲極而復怖畏不能復進前路猶遠今欲退還導師多諸方便而作是念此等可憊云何捨大珍寶而欲退還以方便力于險道中過三百由旬化作一城告眾人言汝等勿怖莫得退還今此大城可于中止隨意所作若入是城快得安隱若能前至寶所亦可得去是時疲極之眾心大

歡喜我等今者免斯惡道快得安隱于是衆人前入  
化城生已度想生安隱想爾時導師知此人衆既得  
止息無復疲倦即滅化城語衆人言汝等去來寶處  
在近向者大城我所化作為止息耳如來亦復如是  
今為汝等作大導師知諸生死煩惱惡道險難長遠  
應去應度若衆生但聞一佛乘者則不欲見佛不欲  
親近便作是念佛道長遠久受勤苦乃可得成佛知  
是心怯弱下劣以方便力而于中道為止息故說二  
涅槃若衆生住于二地如來爾時即便為說汝等所  
作未辦汝所住地近于佛慧當觀察籌量所得涅槃  
非真實也但是如來方便之力于一佛乘分別說三  
如彼導師為止息故化作大城既知息已而告之言  
寶處在近此城究竟華嚴經名為究竟因地楞嚴經  
非實我化作耳地智慧決定故因地應當審  
觀因地發心與果中祥成按喪禮無中祥之名唯後  
地覺為同為異中祥漢書禮儀志註中引應劭之



言謂中祥大祥以紅為領命婦釋名大夫之妃曰命婦緣究未考中祥是何時也命婦釋名大夫之妃曰命婦婦婦服也服家事也

夫受命于朝妻心王涅槃經是身如城血肉筋骨皮受命于家也裏其上手足以為卻敵樓櫓目

為竅孔頭為殿一乘涅槃經如來普為諸眾生故三堂心王處中一乘乘之法說言一乘一乘之法隨

宜說三法華經一切諸世尊皆說一乘道今此勝諸大衆皆應除疑惑諸佛語無異唯一無二乘勝

夫人楞伽經揚演說如來藏名七識俱生聲聞計著見人法夫人及利智滿足諸菩薩等宣

無我故勝鬘夫人承佛威神說如來境界非聲聞緣覺及外道境界如來藏識藏餘佛及餘利智依義菩

薩智慧天女維摩詰經時維摩詰室有一天女見諸境界大人聞所說法便現其身舍利弗言天

止此室其已久如答曰我止此室如者年解脫舍利弗言止此久耶天女曰耆年解脫亦何如久舍利弗

默然不答。天女曰：「如何者？」舊大智而默答曰：「解脫者，無所言說，故吾于是不知所云。」天女曰：「言說文字皆解脫相，所以者何？」解脫者，不內不外，不在兩間。文字亦不內不外，不在兩間。是故舍利弗無離文字說解脫也。舍利弗問天女：「汝于三乘為何志？」求天女曰：「以聲聞法化衆生，故我為聲聞；以因緣法化衆生，故我為辟支佛；以大悲法化衆生，故我為大乘。舍利弗，如人入瞻蔔林，唯觀瞻蔔，不觀餘香，如是若入此室，但聞佛功德之香，不樂聞聲聞辟支佛功德香也。其有釋梵四天王、諸天龍鬼神等入此室者，聞斯上人講說正法，皆樂佛功德之香，發心而出，吾止此室，十有二年，初不聞說聲聞辟支佛法，但聞菩薩大慈大悲，不可思議諸佛之法。此室常現八未曾有難得之法，何等為八？此室常以金色光照晝夜，無異不以日月所照為明，是為一；未曾有難得之法，此室入者不為諸垢之所惱，是為二；未曾有難得之法，此室常有釋

梵四天王及他方菩薩來會不絕是為三未曾有難  
得之法此室常說六波羅蜜不退轉法是為四未曾  
有難得之法此室常作天人第一之樂絃出無量法  
化之聲是為五未曾有難得之法此室有四大藏衆  
寶積滿周窮濟乏求得無盡是為六未曾有難得之  
法此室釋迦牟尼佛阿彌陀佛阿閼佛寶德寶炎寶  
月寶嚴難勝師子響一切利成如是等十方無量諸  
佛是上人念時即皆為來廣說諸佛祕要法藏說已  
還去是為七未曾有難得之法此室一切諸天嚴飾  
宮殿諸佛淨土皆于中現是為八未曾有難得之法  
舍利弗此室常現八未曾有難得之法誰陟謁風  
有見斯不思議事而復樂于聲聞法乎陟謁彼  
屹兮瞻望父兮毛長有漏法佛言世尊云何有漏法  
傳山無草木曰屹佛言世尊云何有漏法  
佛告善現世間五蘊十二處十八界四靜慮四無  
量四無色定所有一切墮三界法是有漏法泣

血禮記高子臯之執親之喪也泣血三年未嘗見齒  
君子以為難孔穎達正義凡人涕淚必因悲聲而

出若血出則不由聲也今子臯悲無滅性禮記三日  
聲其涕亦出如血之出故云泣血而食三月

而沐期而練毀不滅十力僧肇維摩詰經註十力是  
性不以死傷生也如來之別稱耳十力備故

即以百身之贖秦風彼蒼者天殲我良無上樂華嚴  
為名百身之贖人如可贖今人百其身無上樂經功

德具足充滿法界徧法王法華經如來于三界中為  
照十方施無上樂法王大法王以法教化一切眾

生釋迦方誌凡人極位名曰安詳法華經爾時世尊  
輪王聖人極位名曰法王安詳從三昧安詳而起

湛然南史帝問大僧正慧念曰見不可思議迦陵翻  
事不慧念答曰法身常住湛然不動迦陵譯

名義迦陵頻伽此云妙身鳥大論云如伽陵頻伽鳥  
在穀中未出發聲微妙勝于餘鳥正法念經云山谷

曠野其中多有迦陵頻伽出妙音聲如是美音曼陀  
若天若人緊那羅等無能及者唯除如來音聲

翻譯名義曼陀羅此云適意又云白慈悲女維摩詰  
經法喜

以為妻慈悲心為女鳩摩羅什註慈悲性  
弱從物入有猶如女之為性弱而隨物 法性海華嚴

經能捨一切諸妄見海能觀一切諸法性海宗鏡錄  
諸經內逗緣稱機更有多名隨處安立以廣大義邊

目之為海以圓明理顯稱之曰珠以萬法 導首華嚴  
經為

諸衆生而作導首令  
修一切善根法行

### 繡如意輪像讚并序

寂等于空非心量得如則不動離意識界實無所住常

遍羣生不捨有為懸超萬行法性如是豈可說那如意  
輪者觀世音菩薩陀羅尼三昧門現方便于幻眼六臂  
色身以究竟為佛心體真相隨念即藏乃無緣之慈應  
度而來斯不共之力衆生如意菩薩何心崇道寺尼無  
疑道登等貴族出家梵筵上首久積淨業三世皆空長  
在道場一乘自立七兄故河南少尹雖明世典深達實  
相以不二法處于百官花萼相連恩深女弟栴檀舊繞  
望絕仁兄雖曰如夢無寧喪我煩惱性淨示有同凡之

悲菩提路空強為助道之相選妓惟潔底功加敬針鋒  
線縷日就月將五彩相宣千光欲發金蓮捧足寶珠垂  
髻原夫審像于淨心成形于纖手像顧本作豫  
誤今校正珊瑚掌  
內疑現不動如來頻婆口中同乎無法可說焚香讚歎  
散花瞻仰有情苦業滅而不生無上法輪轉而恒寂願  
以此福冥用莊嚴乃為偈曰

菩薩神力不思議能以一身遍一切常轉法輪無所轉  
衆生隨念得解脫色即是定非空有是故以色像觀音

願以淨斯六趣福迴向過去不可得

心量

謂自心現量楞伽經觀諸有為法離攀緣所緣無心之心量我說為心量量者自性處緣性二

俱離性究竟妙如則不動金剛經不取于陀羅尼法淨我說名心量如則不動相如則不動

珠林陀羅尼者西天梵音東華人譯則云持也持善不失持惡不生翻譯名義陀羅尼大論秦言能持集

種種善法能持令不散不失譬如好器盛水水不漏散惡不善根心生能遮令不生若欲作惡罪時持令

不作是名陀羅尼肇翻總持謂持善不失持惡不生又翻遮持輔行云體遮三惑性持三智熏聞云遮二

邊之惡持中道之三昧門大藏一覽三昧或云三摩善此從慧性立名三昧提或云三摩地此云正定

謂任緣一境離諸邪亂也亦云等持等正也正持心也持謂持諸功德也翻譯名義三昧此云調直定又

也持謂持諸功德也翻譯名義三昧此云調直定又



云正定亦云正受圭峰疏云不受諸受名為正受遠  
法師云夫稱三昧者專思寂想之謂也思專則志一  
不分想寂則氣虛神朗氣虛則智恬其照神朗則無  
幽不徹斯二乃是自然之元符用一而致用也是故  
靖恭閑字而感物通靈御心惟正動六臂楞嚴經觀  
必入微此假修以凝神積功以移性六臂世音菩薩  
白佛言由我初獲妙妙聞心心精遺聞見聞覺知不  
能分隔成一圓融清淨寶覺故我能現眾多妙容能  
說無邊祕密神呪其中或現一首三首五首七首九  
首十一首如是乃至一百八首千首萬首八萬四千  
爍迦羅首二臂四臂六臂八臂十臂十二臂十四十  
六十八二十至二十四如是乃至一百八臂千臂萬  
臂八萬四千母陀羅臂二目三目四目九目如是乃  
至一百八目千目萬目八萬四千清淨寶目或慈或  
威或定或慧救護無緣慈涅槃經慈有三緣一緣眾  
衆生得大自在無緣慈生二緣于法三則無緣眾

生緣者緣于五陰願與其樂是名衆生緣法緣者緣于諸衆生所須之物而施與之是名法緣無緣者緣于如來是名無緣慈者多緣貧窮衆生如來大師永離貧窮受第一樂若緣衆生則不緣佛法亦如是以是義故緣如來者名曰無緣世尊慈之所緣一切衆生如緣父母妻子親屬以是義故名曰衆生緣法緣者不見父母妻子親屬見一切法皆從緣生是名法緣無緣者不住法相及衆生相是名無緣十六觀經以無緣慈攝諸衆生王簡栖頭陀寺碑文唱無緣之慈而澤周萬物李善註夫行慈者以衆生為緣衆生為緣則慈無所寄故大士之慈離于衆相離相行慈名為無緣無緣生慈是為真實以斯而唱則物無不周涅槃經曰得諸菩薩無緣之慈僧肇論曰禪典唱無緣之慈思益演不知之知呂向註大事之慈空中而行空中行慈故不共力維摩詰經大聖法王衆所歸為無緣之慈淨心觀佛靡不欣各見世尊

在其前斯則上首涅槃經爾時有一恒河沙菩薩摩訶薩人中之龍位階十地安住不

動方便現身其名曰海德菩薩無盡意菩薩如是等

善持五戒威儀具足其名曰威德無垢稱王優婆塞

受持五戒威儀具足其名曰壽德優婆夷德鬘

優婆夷毘舍佉優婆夷等八萬四千而為上首淨業

維摩詰經心淨已度諸三世皆空華嚴經了知雖明

世典維摩詰經雖明深達實相維摩詰經彼上人者

善說如夢華嚴經應知世菩提路華嚴經示我菩提

法要如夢華嚴經應知世菩提路華嚴經示我菩提

日就月將周頌日就月將學有緝熙于光明鄭康

成箋日就月將言當習之以積漸也千

光金光明經如日淨心維摩詰經隨其心纖手陸機

人撫琴瑟纖十光彌滿虛空不動如來華嚴經如來應正等覺頻婆

口法華經如來唇色無法可說金剛經須菩提汝勿

有所說法莫作是念何以故若人言如來有所說法

即為謗佛不能解我所說故須菩提說法者無法可

說法說是名無上法輪法華經我于伽耶城菩提樹下坐

諸佛世尊凡有所說皆悉名為轉法輪也翻譯一身

名義轉佛心中化他之法度入他心名轉法輪遍一切華嚴經如來能以一身自在六趣釋氏要覽

二人三地獄變化徧一切世界不思議故六趣釋氏要覽

開為一趣故云六趣也趣者何義毘婆沙論云所往

義是諸有情所應往結生之處故名趣也毘曇論云趣到義謂彼善惡業因能令有情到其生處又道義故名六迴向法苑珠林迴向者回諸福德向無上道

給事中竇紹為亡弟故駙馬都尉于孝義寺浮圖

畫西方阿彌陀變讚并序

易曰游魂為變記曰魂氣則無不之固知神明更生矣輔之以道則變為妙身之于樂士大覺曰聖離妄曰性克修其業以正其命得無法者即六塵為淨域繫有相者憑十念以往生西方變者給事中竇紹敬為亡弟故

駙馬都尉某官之所畫也天理之愛加人數等悲讓佞而無所痛殞身而莫贖傾無長之工不平分于我生將厚貸于泉路尚茲繪事滌彼染業寶樹成列金沙自映迦陵欲語曼陀未落墜此中年登乎上品池蓮寶座將踰棠棣之榮水鳥法音當悟鵲鷓之力讚曰

生因妄念沒有遺識憑化而遷轉身不息將免六趣惟茲十力哀此仁兄友于後生不知世界畢竟經營傍熏獲悟自性當成

竇紹

按唐書宰相世系表有竇紹為給事荆府長史兄弟八人二曰綜三曰綸四曰繹為駙馬都尉

衛尉卿五曰續六曰績為奉先令七曰續八曰遊魂為

日級公主列傳玄宗女常山公主下嫁竇繹

變周易精氣為物游魂為變是故知鬼神之情狀孔

穎達正義曰精氣為物者謂陰陽精靈之氣氤氳

積聚而為萬物也游魂為變者物既積聚極則分散

將散之時浮遊精魂去離物形而為改變則生變為

死成變為敗或未死若魂氣則無不之禮記骨肉復

之間變為異類也

若魂氣則無不十念法苑珠林彌勒發問經云若欲

之也無不之也樂生安養國者當修十念即得

往生何等為十一者于一切眾生常生慈心二者于

一切眾生不毀其行若有毀者終不往生三者于一

切眾生深起悲心除殘害心四者發護法心不惜身

命于一切法不生誹謗五者于忍辱中生決定心六

者深心清淨不染利養七者發一切種智心日日常  
念無有廢忘八者于一切衆生尊重心除憍慢心  
謙下言說九者于諸談話不生染著心近于覺意深  
起種種善根因緣不生憤鬧散亂心十者常念觀佛  
除去諸相當知如是十念一一次第相續而起不生  
彼國無有是處釋氏要覽稱十念者即是念十聲阿  
彌陀佛觀經云臨終遇善知識教稱十聲阿彌陀佛  
得生第九品十疑論問云衆生造惡無量云何臨終  
十念成就即得往生出過三界結業答衆生造惡是  
有間心臨終念佛是無間心善心猛利故承佛願力  
故上品淨土化生凡有九品謂上品上生上品中生  
上品下生中品上生中品中生中品下生下品上生  
下品中生下品下生極樂國者發三種心即便  
往生何等為三一者至誠心二者深心三者迴向發  
願心具三心者必生彼國復有三種衆生當得往生



何等為三一者慈心不殺具諸戒行二者讀誦大乘  
方等經典三者修行六念迴向發願願生彼國具此  
功德一日乃至七日即得往生彼國時此人精進  
勇猛故阿彌陀如來與觀世音大勢至無數化佛百  
千比丘聲聞大衆無量諸天七寶宮殿觀世音菩薩  
執金剛臺與大勢至菩薩至行者前阿彌陀佛放大  
光明照行者身與諸菩薩授手迎接觀世音大勢至  
與無數菩薩讚歎行者勸進其心行者見已歡喜踊  
躍自見其身乘金剛臺隨從佛後如彈指頃往生彼  
國生彼國已見佛色身衆相具足見諸菩薩色相具  
足光明寶林演說妙法聞已即悟無生法忍經須臾  
間歷侍諸佛徧十方界于諸佛前次第受記還至本  
國得無量百千陀羅尼門上品中生者不必受持讀  
誦方等經典善解義趣于第一義心不驚動深信因  
果不謗大乘以此功德迴向願求生極樂國行此行  
者命欲終時阿彌陀佛與觀世音大勢至無量大衆

眷屬圍繞持紫金臺至行者前讚言法子汝行大乘  
解第一義是故我今來迎接汝與千化佛一時授手  
行者自見坐紫金臺合掌叉手讚歎諸佛如一念頃  
即生彼國七寶池中此紫金臺如大寶華經宿則開  
行者身作紫磨金色足下亦有七寶蓮花佛及菩薩  
俱時放光照行者身目即開明因前宿習普聞衆生  
純說甚深第一義諦即下金臺禮佛合掌讚歎世尊  
經于七日應時即于阿耨多羅三藐三菩提得不退  
轉即能飛行徧至十方歷侍諸佛于諸佛所修諸三  
昧經一小劫得無生忍現前授記上品下生者亦信  
因果不謗大乘但發無上道心以此功德迴向願求  
生極樂國行者命欲終時阿彌陀佛及觀世音大勢  
至與諸眷屬持金蓮花化作五百佛來迎此人五百  
化佛一時授手讚言法子汝今清淨發無上道心我  
來迎汝見此事時即自見身坐金蓮華坐已華合隨  
世尊後即得往生七寶池中一日一夜蓮華乃開七

日之中乃得見佛雖見佛身于衆相好心不明了于  
三七日後乃了了見聞衆音聲皆演妙法遊歷十方  
供養諸佛于諸佛前聞甚深法經三小劫棠棣詩小  
得百法明門住歡喜地是名上品下生者棠棣詩小  
棣之華鄂不韡韡凡水鳥法音佛說觀無量壽佛經  
今之人莫如兄弟極樂國土有八池水  
一一池水七寶所成其寶柔軟從如意珠王生分為  
十四支一一支作七寶色黃金為渠渠下皆以雜色  
蓮華團圓正等十二由旬其摩尼水流注華間尋樹  
上下其聲微妙演說苦空無常無我諸波羅蜜復有  
讚數諸佛相好者如意珠王涌出金色微妙光明其  
光化為百寶色鳥和鳴哀雅常讚鵲鳩詩小雅鵲鳩  
念佛法念僧是為八功德水想鵲鳩在原兄弟急  
難熏釋氏要覽熏義者顯識論云譬如燒香熏衣香  
體滅而香氣在衣此香不可言有體滅故不可

言無香氣在衣故宗鏡錄熏習義者如世衣服非臭  
非香隨以物熏則有彼氣真如淨法性非是染無明  
熏故則有染相無明染法實自性楞伽經自性無  
無淨業真如熏故說有淨用垢畢竟清淨

為相國王公紫芝木瓜讚并序

孝悌之至通于神明天為之降和地為之嘉植發書占  
之推理可得何者人心本于元氣元氣被于造物心善  
者氣應氣應者物美故呈祥于魚鳥或發揮于草木示  
神明之陰隲與天地之嘉會今中書侍郎相公先生左  
丞府君沈潛上德遐尚絕軌江海泝沆嬰孩杏壇高門

長軌隱几含素蓋鳳凰之高逝薄龍虎之逶迤積有淳  
德誕敷餘慶而我相公生而英姿河目海口量與太素  
而無端倪應會神速動若發括事遣理盡澹然虛空亦  
猶太清雲無處所重元之旨達而有餘與大白之明漫  
而不及理文可以經邦訓俗武可以保大定功故天子  
咨之以布元化昔者高堂既聞聞字疑誤扇枕無所歐血長  
號禮不能制其哭泣之度終身巨痛時無以加其霜露  
之惕攻苦食淡寢苦枕塊淚少于血骨餘于形風淚起

而裂其心鳥悲鳴而感其哭俄而紫芝生棟葉成仙人  
之蓋色奪齊侯之衣又有木瓜在林味若楚王之萍大  
如安期之棗枯物無生物之理而布獲滋蔓時果有常  
分之形而碩大殊亢鄰里駭之郡縣聞之公泣而不敢  
言州司遽表以獻或曰因心而致人之祥也或曰率土  
所生國之瑞也有識君子曰至孝所感物為人之祥大  
賢佐時人為國之瑞二物者雖感曩時之純至亦符今  
日之崇高也公尤不敢當歸美于今上以為震位先兆

孝德動天至乾元二年乃畫圖以進詔報曰芝草者延  
壽之徵也木瓜者投報之應也蓋至誠所感有開必先  
朕與卿道契雲龍義同水石位崇台袞寄重股肱故得  
嘉瑞薦臻靈物昭格君臣同德區字克寧覽其進圖可  
為嘉應請宣付史館者既依史策亦藏書府讚曰

紫芝三秀則生于梁木瓜一實其大盈筐嘉應薦至其  
故何祥哀哀孝思漣漣泣血終身致毀每慟將絕雲為  
徘徊風為慘切依仁據德移孝為忠經目盡理任心便

公其道橐籥虛而不窮公位先兆聖人斯覩賜以詔書  
藏之祕府邦家之光哀榮終古

相國王公

按唐書宰相表乾元元年五月乙未太常少卿王璵為中書侍郎同中書門下平章

事二年三月乙未璵罷為刑部尚書宰相世系表璵

乃王方慶六世孫祖仲連揚州錄事參軍父紹不仕

絕軌

孫綽遊天台山賦追羲農  
之絕軌躡二老之元蹤 泝沆 張衡西京賦顧臨太液滄池泝

沆薛綜註泝沆猶泝滌寬大也

杏壇

莊子孔子遊乎緇帷之上

河目海

孔叢子萇弘語劉文公曰吾觀孔子仲尼有聖人之表河目而隆顙黃帝之形也家語孔子適鄭與弟

子相失獨立郭東門外或人謂子貢曰東門外有一人馬其長九尺有六寸河目隆顙王肅註河目上下



匡平而長也孝經援神契孔子海大白老子上德若

口言若舍澤斗屑吐教陳機投度谷大白若辱

保大定功見十七卷巨痛晉書謝尚傳抱傷心之霜

露之惕禮記霜露既降君子履之必有悽愴之心非

惕之心如寢苦枕塊禮記父母之喪居倚廬齊侯衣

將見之韓非子齊桓公好服紫一國盡楚王萍渡江江中有

服紫當是時也五素不得一紫楚王萍家語楚昭王

物大如斗圓而赤直觸王舟舟人取之王大怪之遍

問羣臣莫之能識王使使聘于魯問于孔子子曰此

所謂萍實者也可剖而食之吉祥也唯霸者為能獲

焉使者返王遂食之大美久之使來以告魯大夫大

夫因子遊問曰夫子何以知其然曰吾昔之鄭過乎

陳之野聞童謠曰楚王渡江得萍實大如斗赤如日

剖而食之甜如蜜此是楚布漢封禪書匪唯偏我祀

王之應也吾是以知之布漢布漢之師古註布漢

言遍延壽古瑞命記曰王者慈仁則芝生採食之則

布也延壽延年不終與真人同論衡芝草延年仙者

所投報瓊風投我以木瓜報之以有開必先禮記者

食投報瓊琚匪報也永以為好也有開必先禮記者

有開水石李蕭遠運命論張良受黃石之符誦三畧

必先水石之說以游于羣雄其言也如以水投石莫

之受也及其遭漢祖也其言台袞北史楊雄傳論位

也如以石投水莫之逆也登台袞慶流後嗣

漣漣國風泣橐籥老子天地之間其猶橐籥乎虛而

漣漣涕漣漣橐籥不屈動而愈出河上公註天地空

虛和氣流行萬物自生其空邦家之光小雅樂只君

虛猶橐籥動而搖之益出聲邦家之光子邦家之光

終古楚辭春蘭兮秋菊

終古長無絕兮終古

皇甫岳寫真讚

有道者古其神則清雙眸朗暢四氣和平長江月影太  
華松聲周而不器獨也難名且未婚嫁猶寄簪纓燒丹  
藥就辟穀將成雲溪之下法本無生雲劉本顧可久  
本俱作漢誤

裴右丞寫真讚

澹爾清德居然素風氣和容衆心靜如空智以窮理才  
包至公大盜振駭羣臣困蒙忘身狗節歷險能通仁者  
之勇義無失忠凝情取象惟雅則同粉繪不及清明在

躬麟閣之上其誰比崇


困蒙

本周易蒙卦

清明在躬

禮記清明在躬氣志如神正義曰清謂清靜明謂顯著言

聖清靜光明之德在于躬身



王右丞集箋注卷二十

欽定四庫全書

集部

王右丞集箋注卷二十一至三

詳校官常寺少卿臣陳桂森

檢討臣何思鈞覆勘

總校官檢討臣何思鈞

校對官助教臣卜惟吉

騰錄監生臣金特

欽定四庫全書

王右丞集箋注卷二十一

仁和趙殿成撰

碑二首

裴僕射濟州遺愛碑

夫為政以德必世而後仁齊人以刑苟免而無恥則刑  
禁者難久百年安可勝殘德化者效遲三載如何考績  
刑以佐德猛以濟寬月期政成成而不朽者唯公能之

月期當是公名耀卿字渙之河東聞喜人也益為帝虞  
期月之訛

實相帝舜非子其胄而邑諸裴邑顧本作已在漢者為

誤今校正

水衡在魏者守代郡十三代祖徽魏益豫雍充徐五州

刺史蘭陵武公源于大賢派以俊德世濟其美不隕其

名矣曾祖正隋散騎常侍長平郡贊理祖睿皇朝洛南

南鄭二縣令著族斯茂衣冠未敢爭雄繼世皆賢英彥

無出其右故有常侍縣君遞輝迭暎父守真真顧本作忠誤今考

唐書本太常博士判駕部夏官員外今上楚王府諮議  
傳校正



參軍邠寧二州刺史贈晉兗沂三州刺史文儒之宗伯  
禮樂之本源藉業雖曰承家復始由乎種德再典大郡  
二為仙郎舉十大夫是則是數且年不及壽而位未稱  
德朝多其能歿而獨贈公則晉州之第三子也語而能  
文有識便智為兒則量過黃髮未仕而心在蒼生伯達

試經子琰應詔古之人也我不後之

伯達顧本作伯建  
子琰顧本作子淡

俱誤今  
校正

八歲神童舉試毛詩尚書論語及第解褐補祕

書省校書郎歷中宗安國相王府典籤

中字  
疑誤

東觀載筆

班固名香西園賦詠劉楨氣逸轉國子主簿檢校詹事

府丞學識宜在儒林風度雅膺儲案

儲顧本作諾  
誤今校正

河南

府士曹參軍考功員外郎公府屈廊廟之才曹無留事

仙郎明黜陟之法野無遺賢右司兵部二郎中長安縣

令其在含香一臺推妙以之製錦四海是儀公之斷獄

也必原情以定罪不阿意以侮法是以小失天旨

旨字  
顧本

作二日誤  
今校正

出為此州刺史公推善于國不稱無罪思利

于人志其屈已戮豪右以懲惡一至無刑旌孝弟以勸

善洪惟見德然後務材訓農通商惠工敬教勸學授方  
任能行之一年郡乃大理襁負而至何憂乎蕩折之人

折顧本作相  
誤今校正

路不拾遺何畏乎穿窬之盜既富之矣汲

黯奚取于開倉使無訟乎仲由何施其折獄居無何詔  
封東嶽關東列郡頗當馳道至于犧牲玉帛資糧靡屨  
其或不供為有司所劾因而厚斂非天子之意豐省之  
度多不得中故二千石有不能受事于宰旅者矣季孫  
請魯視邾滕濤塗恐師出周鄭抑為是也公盡事君之

心且曰從人之欲萬斯箱之粟茲乃如京百執事之人  
于我乎館四封之境二為帝庭一郡之賦再粒天下士

卒林會馬牛谷量

士顧本作十馬顧本作襄俱誤今校正

皆投足獲安端

拱取給無虞燥濕不畏寇盜草莽之中用能使其體羈  
繼之外無所勞其力天朝中貴持權用事厚為之禮則  
生我羽毛小不如意則成是貝錦公享有常牢覲無私  
幣冒貨賄者我以為仇淫芻蕘者吾所能禦至于急宣  
中旨暴征庶物或命嘉蔬先春當薦錫貢珍果非土所

生舉是一隅其徒千計皆曾不旋踵若取諸懷又不知其備預之所以然也謂餽牽竭矣而家有餘糧謂疲勞甚矣而人有餘力豈非積年之儲用之有度終身之逸使之有時不然班貢藝事輕重以列我視子男之國而倍公侯之征今日之事我為上也大駕還都分遣中丞蔣欽緒御史劉日政宋珣等巡按皆嘉公之能奏課第一公未受賞朝而歸藩天災流行河水決溢蝗蟲避境雖馬稜之化能然

稜顧本作援誤今校正

洪水滔天固帝堯之時

且爾高岸岑以雲斷平郊豁其地裂噴薄雷吼沖融天  
迴百姓巢居主客有其家室五稼波殄沼毛荒于畎畝  
公急人之虞分帝之憂御衣假寐對案輟食不候駕而  
星邁不入門而雨行議隄防也至則平板榦具糗糧揆  
形畧趾量功命日而赤岸成谷白濤亘山雖有呂梁之  
人盡下淇園之竹無能為也乃有壞防之餘衝波且盡  
僅在而危同累卵將墜而間不容髮公暴露其上為人  
請命風伯屏氣以遷跡陽侯整波而退舍又王尊至誠

未足加也然後下密捷寨長茨土簣雲積金鉅電散公  
親巡而撫之慰而勉之千夫畢飯始就飲食一人未息  
不歸遽廬惰者發憤以躒勤懦者自強以齊壯成之不  
日金隄峩峩下截重泉上可方軌北河迴其竹箭東郡  
鬱為桑田先是朝廷除公宣州刺史公惜九仞之垂成  
恐衆心之或怠懷絲綸之詔密金玉之音率負薪而益  
勤親執撲而彌勵既成乃發書示之皆捨畚攀轅廢歌  
成泣淚而濟袂澤陰魯郊哀哀號呼不崇朝而達四境

噫公之視人也如子人之去公也如父宜其升聞于天  
司我五教公之富人也以簡簡則不擾而人得肆其業  
非富歟公之愛吏也以嚴嚴則畏威而吏不陷于罪非  
愛歟是其大旨也至若沛郡謂為神明淮陽謝其清淨  
尊經于學校魯風載儒加信于兒童齊人不詐明閑視  
聽其察姦也無全曉習文法于決事乎何有六義之製  
文在于斯五車之事學半于我其為身計保乎忠貞將  
為孫謀貽以清白

貽顧本作賜  
誤今校正

熊軾之貴子弟夷于平



人龍門則高賓客不遺下士非禮不動出言有章語曰  
愷悌君子民之父母其是之謂乎維也不才嘗備官屬  
公之行事豈不然乎維實知之維能言之况夫婦男女  
思我遺愛者吟詠成風者艾人吏願頌清德者道路如  
市則王襄所講奚斯之頌美政盛德綴詞之士固未嘗  
闕如也維敢拒之哉頌曰

童子何知兮公邁成人  
大不必佳兮公德日新  
天生德于公兮遺此下民  
天子命我兮守茲東郡  
人調公以謫

去兮不能致訓公曾不私已兮政聲益振惟歲十月兮  
帝封岱宗千乘萬騎兮行幸山東小郡之賦兮再粒萬  
邦豐不盈儉不陋兮公之舉也得中河為不道兮離常  
流以痛毒不用一牲兮不沈一玉身當中流兮馮夷感  
而避賢救陽侯兮使却走夫洪漣板築既具兮薪又屬  
庶人欣以就役兮高岸崛起于深谷人降丘宅土兮桑  
田鬱以載綠行無五馬兮食不載味惠恤鰥寡兮威讜  
黠吏公之德兮曾無與二人思遺愛兮淚淫淫歲久不

衰兮至今性與天道吾不得聞兮誌其小者近者兮已  
是過人之德音

裴僕射

劉昫唐書裴耀卿贈戶部尚書守真子也少聰敏數歲解屬文童子舉弱冠拜祕書正字

俄補相王府典籤時睿宗在藩甚重之令與掾丘悅文學韋利器更直府中以備顧問府中稱為學直及睿宗升極拜國子主簿開元初累遷長安令長安舊有配戶和市之法百姓苦之耀卿到官一切令出儲蓄之家預給其直遂無姦僦之弊公私甚以為便在職二年寬猛得中及去官縣人甚思詠之十三年為濟州刺史其年車駕東巡州當大道里綿長而戶口寡弱耀卿躬自條理科配得所時大駕所歷凡十餘州耀卿稱為知頓之最又歷宣冀二州刺史皆有善政入為戶部侍郎二十年禮部尚書信安王禕受

詔討契丹詔以耀卿為副其冬遷京兆尹明年拜黃  
門侍郎同中書門下平章事充轉運使明年遷侍中  
二十四年拜尚書左丞相罷知政事累封趙城侯天  
寶元年改為尚書右僕射尋轉左僕射一歲薨年六  
十三贈太子太傅謚曰文獻宋祁唐書裴耀卿為濟  
州刺史俄徙宣州前此大水河防壞諸州不敢擅興  
役耀卿曰非至公也乃躬護作役未訖有詔徙官耀  
卿懼功不成弗即宣而撫巡飭厲愈急隄成發詔而  
去濟人為三載考績尚書三載考績孔安國猛以濟  
立碑頌德三載考績尚書三載考績以考功猛以濟  
寬左傳政寬則民慢慢則糾之以猛猛則民殘殘  
則施之以寬寬以濟猛猛以濟寬政是以和聞  
喜唐書地理志河東裴氏世系按唐書宰相世系表  
道絳州有聞喜縣裴氏出自風姓顓頊  
裔孫大業生女華女華生大費大費生皋陶皋陶生  
伯益賜姓嬴氏生大廉大廉五世孫曰仲衍仲衍四

世孫曰軒軒生滿滿生飛廉飛廉生惡來惡來生女  
防女防生旁臯旁臯生太几太几生大輅大輅生非  
子周孝王使養馬汧渭之間以馬蕃息封之于秦為  
附庸使續嬴氏號曰秦嬴非子之支孫封萑鄉因以  
為氏今聞喜萑城是也六世孫陵當僖王之時封為  
解邑君乃去邑從衣為裴裴衣長貌一云晉平公封  
顓頊之孫鍼于周川之裴中號裴君疑不可辯陵裔  
孫蓋漢水衡都尉侍中九世孫燉煌太守遵自雲中  
從光武平隴蜀徙居河東安邑安順之際徙聞喜曾  
孫睢并州刺史度遼將軍子茂字巨光靈帝時歷郡  
守尚書率諸將討李傕有功封陽吉平侯生三子潛  
徽輯徽字文秀魏冀州刺史蘭陵武公四子黎康楷  
綽黎字伯宗名演游擊將軍祕書監二子粹苞苞三  
子軫丕彬彬生嗣嗣西涼武都太守三子邕奮策  
邕度江居襄陽生順宗順宗三子叔寶叔業令寶叔  
業齊南充州刺史初歸北號南來吳裴事後魏豫州

刺史蘭陵郡公謚忠武子蒨之字文聽北齊隋王左常侍蒨之子譚輔國將軍襲蘭陵敬公譚子景富平

令景子正隋散騎常侍正子春字歸原南鄭鄮令春子守真字方忠邠寧二州刺史方忠第三子耀卿字

渙之相帝虞漢書地理志秦之先曰伯益出自帝顓玄宗項助禹治水為舜朕虞養育草木鳥獸

賜姓守代郡三國志裴潛字文行河東聞喜人也太嬴氏祖定荊州以潛參丞相軍事出歷三縣

令入為倉曹屬時代郡世濟其美不隕其名句出左大亂以潛為代郡太守

十八卷十長平郡隋書地理志長平郡舊曰贊理杜六族註建州開皇初改為澤州

通典隋開皇三年改別駕治中為長史司馬至煬帝又罷長史司馬置贊治一人後又改郡贊治為丞位

在通守下唐人以高宗諱洛南唐書地理志關內南道商州有洛南縣

治通以治為理故曰贊理

鄭興唐書地理志山南道太常博士唐六典太常寺有博士四人從七品

上駕部唐六典兵部有駕部員外郎一人從六品上夏官員外唐六典兵部有員外

郎二人從六品上唐書光宅元年改兵部曰夏官楚王劉昫唐書玄宗本紀垂拱三年閏正月丁

卯封楚王長壽二年臘月丁卯改封臨淄郡王詔議參軍唐書百官志王府官有詔議參軍事

一人正五品下邠寧晉兗沂平郡按唐書地理志邠州新掌討謀議事

關內道晉州平陽郡屬河東道兗州魯郡沂州琅琊郡俱屬河南道承家周易師卦大君有命開國

承復始左傳公侯之子種德尚書臯陶邁種德德乃降孔安國傳種布也孔

穎達正義種物必是則是數小雅君子是則是做言可法布于地故言種也

也伯達魏書司馬朗字伯達河內温子琰後漢書黃

早而辯慧祖父瓊為魏郡太守建和元年正月日食

對而未知所况琬年七歲在傍曰何不言日食之祕

餘如月之初瓊大驚即以其言應詔而深竒愛之祕

書省校書郎唐書百官志祕書省有安國相王劉昫

睿宗本紀神龍元年以誅張易之昆典籤唐書百官

弟功進號安國相王遷太尉加實封志王府官

有典籤二人從八班固隋書經籍志光武中興篤好

品下掌宣傳書教班固文雅于東觀及仁壽閣集新

書校書郎班固劉楨三國志文帝為五官將及平原

傳毅等典掌焉劉楨侯楨皆好文學王粲與北海徐

幹字偉長廣陵陳琳字孔璋陳留阮瑀字元瑜汝南

應瑒字德璉東平劉楨字公幹並見友善文帝書與



元城令吳質曰公幹國子主簿唐書百官志國子監有主簿一人從七品

下詹事府丞唐書百官志詹事府有丞二人正六品上儲案韋承慶重上東宮啟昔參

朱邨忝膠東之藩史晚河南府唐書地理志河南府侍青宮叨望苑之儲案河南郡本洛州開元

元年士曹參軍唐書百官志外官有士曹司士考功為府參軍事掌津梁舟車舍宅工藝

員外郎唐六典吏部有考功員外郎一人從六品上曹無留事南史梁始興忠武王

憺為荊州刺史自以少年始居重任開導物情辭黜訟者皆立待符教決于俄頃曹無留事下無滯獄黜

陟尚書黜陟幽明孔安國傳野無遺賢尚書野無遺賢萬邦咸寧

右司郎中唐六典尚書都省有右司郎中一人從五品上兵部郎中唐六典兵部有

郎中二人長安縣唐書地理志京兆府有長安縣一臺推妙晉書尚書令衛

瓘學問深博明習文藝與尚書郎敦煌天旨晉書拜索靖俱善草書時人號為一臺二妙授之榮

初非務材訓農左傳衛文公大布之衣大帛之冠務材訓農通商惠工敬教勸學授方任

能孔穎達正義曰務材務在植材用也訓農訓民勸

農業也通商通商販之路合貨利往來也惠工加恩

惠于百工賞其利器用也敬教敬民五教也勸學勸

民學問也授方授民以事皆有方法也任能其所委

任信用強負三國志涼茂為泰山太守旬月之間襁  
能人也強負負而至者千餘家裴松之註博物記曰  
襁織縷為之廣八寸長尺二路不拾遺史記子產為  
以約小兒于背上負之而行相三年門不  
夜闕道不拾遺後漢書宋登為汲黯史記河內失火  
潁川太守市無二價道不拾遺延燒千餘家上

使汲黯往視之還報曰家人失火屋比延燒不足憂也臣過河南河南貧人傷水旱萬餘家或父子相食臣謹以便宜持節發河南倉粟以振貧封東嶽唐書  
民臣請歸節伏矯制之罪上賢而釋之  
本紀開元十三年十月馳道禮記馳道不除孔穎達正  
一月庚寅封于泰山義馳道正道如今御路也  
是君馳走車馬之犧牲玉帛左傳犧牲玉帛待于二境資糧扉屨  
處故曰馳道也  
左傳若出于陳鄭之間共其資糧扉屨其可也杜預  
註扉草屨也孔穎達正義曰少儀云君將適他臣如  
致金玉貨貝于君則曰致馬資于有司鄭玄云資猶  
用也然則諸所費用之物皆為資也糧謂米粟行道  
之食也扉屨俱是在足之物善惡異名耳揚雄方言  
云扉麤屨也絲作之曰履麻作之曰扉麤者謂之屨  
喪服傳曰疏屨者蕪蒯之菲也是菲用草為之  
也註云草屨者履屨通言耳相形以曉人也 宰旅

左傳晉韓宣子聘于周王使請事對曰晉士起將歸時事于宰旅無他事矣鄭康成註時事四時貢職宰

旅冢宰之下士言獻職魯視邾滕叔孫以公命曰視貢于宰旅不敢斥尊

邾滕杜預註兩事晉楚師出周鄭左傳陳轅濤塗謂則貢賦重故欲比小國鄭申侯曰師出于

陳鄭之間國必甚病若出于東方觀兵于東夷循如海而歸其可也申侯曰善濤塗以告齊侯許之

京小雅曾孫之稼如茨如梁曾孫之庾如坻如京乃求千斯倉乃求萬斯箱毛萇傳京高丘也百

執事商書邦百師長百執事之人尚皆隱哉孔穎達正義云百執事謂大夫以下諸有職事之官皆

是粒虞書蒸民乃粒孔林會詩大雅殷商之旅其會也安國傳米食曰粒如林孔穎達正義殷商

之兵衆其會聚之谷量漢書戎王十倍其價予畜畜時如林木之盛也至用谷量牛馬師古註言其

數饒不可算計故無虞燥濕左傳賓至如歸無寧苗

以山谷多少言之患不畏寇盜而亦不患

燥羽毛西京賦所好者譽之使生羽毛所惡者毀之

令生貝錦小雅萋兮斐兮成是貝錦彼譖人者亦已

瘡痛喻讒人集作已過以成于罪冒貨賄左傳貪于飲食

猶女工之集采色以成錦文冒貨賄冒貨賄左傳貪于飲食

註冒亦淫芻蕘左傳叔鮒求貨于衛淫芻蕘者孔穎

貪也達正義芻者飼牛馬之草也蕘者共

燃火之中旨南史豫聞中暴征左傳偏介之旋踵史

草也旨罔不宣露關暴征其私記

議不反顧若取諸懷左傳所謂取諸其餼牽竭矣左

計不旋踵懷而與之者也餼牽竭矣傳

吾子淹久于敝邑惟是脯資餼左傳子產

牽竭矣註牲腥曰餼牲生曰牽班貢藝事左傳曰昔

爭承曰昔

天子班貢輕重以列列尊貢重周之制也卑而貢重者甸服也鄭伯男也而使從公侯之貢懼弗給也敢以為請諸侯靖兵好以為事行理之命無月不至貢之無藝小國有闕所以得罪也諸侯修盟存小國也貢獻無極亡可待也存亡之制將在今矣自日中以爭至于昏晉人許之仲尼謂子產于是行也足以為國基矣詩曰樂只君子邦家之基子產君子之求樂者也且曰合諸侯藝貢事禮也杜預註列位也藝法制蔣欽緒唐書蔣欽緒傳開元十三年以御史中丞錄河南囚宣慰百姓振窮乏天災

流行

左傳天災流行馬稜東觀漢記馬稜為廣陵太守

罷鹽官振貧羸薄賦稅

蝗蟲飛入海化為魚蝦

洪水滔天書益稷謨洪水滔天浩浩懷山襄陵

沖融

木華海賦沖融沆瀣深廣之貌

五稼

杜預左傳註平

麥及五稼之苗孔穎達正義種之曰稼斂之曰穡月  
令五時食穀黍稷麻麥豆周禮謂之五穀故云五稼  
之苗晉書傳咸傳五星邁魏明帝善哉行兼平板榦  
稼頗收僅足相接  
具糶糧左傳令尹為艾獵城沂使封人慮事以授司  
徒量功命日分財用平板榦稱畚築程土物  
議遠邇畧基趾具糶糧度有司事三旬而成不愆于  
素杜預註榦榦也畧行也趾城足也糶乾食也孔穎  
達正義曰釋詁云榦榦也舍人曰榦正也築牆所  
立兩木也榦所以當牆兩邊郭土者也彼榦為榦故  
謂榦為榦謂牆之兩頭立木也板在兩旁即郭土呂  
者即彼丈榦也平板榦者等其高下使城齊也呂  
梁之人莊子孔子觀于呂梁縣水三十仞流沫四十  
里龜鼉魚鼈之所不能遊也見一丈夫遊之  
以為有苦而欲死也使弟子並流而拯之數百步而  
出被髮行歌而遊于塘下孔子從而問焉曰吾以子

為鬼察子則人也請問蹈水有道乎曰亡吾無道吾始乎故長乎性成乎命與齋俱入與汨偕出從水之

道而不為私焉此淇園之竹漢書上乃使汲仁郭昌發卒數萬人塞瓠子決

河于是上以用事萬里沙則還自臨決河湛白馬玉璧令羣臣從官自將軍以下皆負薪真決河是時東

郡燒草以故薪柴少而累卵漢書危于累卵難于上天間不容髮

漢書其出不為人請命裴松之三國志註為民請命則活萬國為世撥亂則致升

平風伯龍魚河圖天太白星主兵凶其精下為雨師之神天熒惑星主司非其精下為風伯之神

風俗通飛廉風伯也元冥雨師也搜陽侯應劭漢書註陽侯古

之諸侯也有罪自投王尊漢書王尊遷東郡太守久之其神能為大波王尊之河水盛溢泛浸瓠子金



隄老弱奔走恐水大決為害尊躬率吏民投沈白馬  
祀水神河伯尊親執圭璧使巫策祝請以身填金隄  
因止宿廬居隄上吏民數千萬人爭叩頭救止尊尊  
終不肯去及水盛隄壞吏民皆奔走惟一主簿泣在  
尊旁立不動而水波稍卻下密捷如淳漢書註樹竹  
迴還吏民嘉壯尊之勇節塞水決之口稍稍  
布插按樹之水稍弱補令密謂之捷以塞長茭漢書  
草塞其中乃以土填之有石以石為之  
志塞長茭兮湛美玉河公許兮薪不屬臣瓚曰竹葦  
絙謂之茭也所以引置土石也師古曰塞拔也絙索  
也湛美玉者以祭河也茭土簣玉篇簣蘆子註蘆  
字宜從竹塞音寤茭音交土簣土籠也蘆廬郭象莊  
廬猶傳成之不日大雅庶民攻重泉淮南子川谷通  
舍也成之不日成之重泉淮南子積水重泉鼃  
鼃之所方軌漢書車不得方軌師竹箭慎子西河下  
便也古註方軌謂併行也龍門其流敵

于竹九仞周書為山九仞功虧一執扑左傳子罕聞

行築者而扶其不勉者曰吾儕小人皆有闔廬以辟燥濕寒暑今君為一臺而不速成何以為役杜預註

扑杖攀轅北史宋世良拜清河太守及代至傾城祖道有老人丁金剛者泣而前謝曰老人年

九十記三十五政府君非惟善政清亦徹崇朝崇朝

底今失賢者人何以濟莫不攀轅涕泣崇朝崇朝

其雨毛萇傳崇終也升聞尚書立德升五教尚書汝

從且至食時為終朝升聞聞乃命以位五教作司徒

敬數五教左傳舜舉八元使布五教于四方父義母慈兄友弟恭子孝孔穎達正義曰一家之內父母兄弟子尊卑有五品父不義母不慈兄不友弟不恭子不孝是五品不遜順也故使契為司徒布五教于四方教父以義教母以慈教兄以友淮陽史記汲黯遷

教弟以恭教子以孝是之謂五教淮陽史記汲黯遷

黠學黃老之言治官理民好清靜擇丞史而任之其  
治責大指而已不苛小黠多病臥閨閣內不出歲餘

東海大治稱之後為淮陽政清太加信兒童後漢書郭伋  
守黠居郡如故治淮陽政清太加信兒童為并州牧始

至行部到西河美稷有童兒數百各騎竹馬道次迎  
拜伋問兒曹何自遠來對曰聞使君到喜故來奉迎

伋辭謝之及事訖諸兒復送至郭外問使君何日當  
還伋謂別駕從事計日當告之行部既還先期一日

伋為違信于諸兒遂齊人漢書齊人多詐而無情明閑北史薛  
止于野亭須期乃入齊人詐而無情明閑北史薛

省闈明曉習文法漢書尹翁歸為獄六義子夏詩序  
闕簿領小吏曉習文法六義故詩有六

義焉一曰風二曰賦三曰頌忠貞左傳臣竭其股肱孫  
此四曰興五曰雅六曰頌忠貞之力加之以忠貞孫

謀詩大雅詒厥孫清白後漢書楊震性公廉不受私  
謀以燕翼子謁子孫常蔬食步行故舊長

者或欲令為開產業震不肯曰使後世稱為清白吏子孫以此遺之不亦厚乎出言有章詩小

雅其容不改王襄漢書益州刺史王襄欲宣風化于出言有章衆庶聞王襄有俊材請與相見使

褒作中和樂職宣布詩選好事者令依鹿鳴之聲習而歌之時何武為童子選在歌中久之武等學長安

歌太學下轉而上聞宣帝召見武等觀之皆賜帛謂曰此盛德之事吾何足以當之奚斯班固

賦故臯陶歌虞奚斯頌魯李善註詩魯頌曰新廟奕奕奕奕斯所作薛君曰奚斯魯公子也言其新廟奕奕

然盛是詩公子綴詞潘岳馬汧督誅綴詞童子何知奚斯所作也之士未之或遺也

國語范文子暮退于朝武子曰何暮也對曰有秦客庾辭于朝大夫莫之能對也吾知三焉武子怒曰大

夫非不能也讓父兄也爾大不必佳世說孔文舉年童子何知而三掩人于朝十歲隨父到洛

時李元禮有盛名為司隸校尉詣門者皆雋才清稱  
及中表親戚乃通文舉至門謂吏曰我是李府君親  
既通前坐元禮問曰君與僕有何親對曰昔先君仲  
尼與君先人伯陽有師資之尊是僕與君奕世為通  
好也元禮及賓客莫不奇之大大中大夫陳寔後至人  
以其語語之寔曰小時了了大未必佳文舉曰想君  
小時必當了了岱宗初學記太山五經通義云一日岱  
了寔大踧踏岱宗宗言王者受命易姓報功告成必  
于岱宗也東方萬物始交代千乘萬騎蔡邕獨斷天  
之處宗長也言為羣嶽之長千乘萬騎子大駕則公  
卿奉引大將軍參乘太僕御痛孔安國尚書沈玉見  
屬車八十一乘備千乘萬騎傳痛病也沈玉見  
園竹馮夷山海經從極之淵深三百仞維冰夷恒都  
註中馮夷馬冰夷人面乘兩龍郭璞註冰夷馮夷也  
淮南云馮夷得道以潛大川即河伯也穆天子傳所  
謂河伯無夷者竹書作馮夷事或作冰也博物志馮

夷華陰潼鄉人也得仙道化為河伯李善文選註書傳曰河伯華陰潼鄉人也姓馮氏名夷浴于河中而

溺死是為河伯太公金匱曰河伯姓馮名修裴氏新語謂為馮夷淮南子曰馮夷服夷石而水仙註曰馮

夷河伯也華陰潼鄉隄首人服夷石而水仙俾使也史記正義姓馮名夷以庚日溺死河常以庚日好溺

死洪漣木華海賦喻波則洪漣降丘宅土禹貢桑土既蠶是降

丘宅土孔安國傳地高曰丘大威讐梁書武帝紀功水去民下丘居平土就桑蠶業克建威讐四

海淚淫淫楚辭望長楸而太息兮涕淫淫德音詩幽其若霏王逸註淫淫流貌也德音風公

孫碩膚德音不瑕

# 京兆尹張公德政碑

雲從龍風從虎氣應也聖人作賢人輔德同也君臣同  
德天地通氣以康九有以遂萬類惟皇御極二十載光  
格四表至于海隅日出越小大邦蠻貊師長罔不欽于  
成憲以承天休然天子猶日省三揖列辟

揖唐文粹作接

日聽

萬方輿頌懼人有未化賢有未登故馭仄陋兼乎十等

故顧本作明今改從唐文粹本

選宗室及乎九族任事以觀材積時以

觀行乃得我賢京兆馬夫京兆號為難理清淨病于不  
給刀筆拘于守文或以軟弱廢或以賊殺劾把宿負淺

為丈夫用鉤距蓋非長者我則異于是大道難名大理

無法閉關于任數巧算不能知堅壁于畫一善政不能

下摧宿豪如雜草無愠色視大權如歷塊無傲容百司

之務總以竒而得正

唐文粹作百司之吏總一德以咸服

五方之人雜異

教而同理受命之始先聲已振黠吏惡少聞風改行

唐改

文粹作族及乎鳴騶詣府登堂坐定縣尹掾史以次上謁守

正之人其氣高含章之人其詞大見容色而聞號令小

人戚而君子泰

戚唐文粹作感

日者櫟陽男子閭里為豪借容



報仇聚人為盜或白日手刃或黃塵袖鎚政寬則以身

先諸偷操急則以事中長吏貳過不已萬計自脫公命

吏縛之立死鈴下

鈴顧本作領今改從唐文粹本

于是人入閭室若遇

大賓焉前年不登人賴太甚野無遺秉

秉唐文粹作糠

路有委

骨天子不忍征于不粒賦于無衣六軍從衛以臨東諸

侯息關中也帝曰咨天之降威

之唐文粹作其人

罔畏罪台恐

寇盜廼邑矧曰蕩析離居惟爾克濟撫茲方夏

方夏唐文粹作

西公拜稽首思塞休命布慈惠之政不以利淫振雷霆

之威其或宥過饗人減雙雞之膳圍人省五馬之秣陶  
不獻服巧不墀館自身已往振廩同食雖人烟不動道  
矻相望不思濫以苟生咸守教以就死是不可能也先  
是王公或專南山之利司農涸昆明之池收赤岸澤將  
為田以便官至是悉奏罷之舟鮫衡麓之守廢鮫唐文粹作漁  
誤蒲荷薪蒸之產入自郊徂邑室有魚殮斬陰伐陽市  
多山木人得以贍惟涇有防比歲多決近縣疲于力役  
他山匱于度材公命刮朽壤填巨石辦大木去編管其

始告勞乃終有慶匠石日減功萬藏史日省錢億農始

竟耒

竟唐文  
粹作學

女始安織于是台背黃髮之老

唐文粹作  
鮑背黃髮

之

耒曰我有田疇鍾秉其畝我有子弟顏閔其行鄉黨以

睦悖失其獨道路有禮汰無與爭

顧元緯本作鄉黨以  
睦恂子失其獨道路

有禮祀汰無與爭  
今改從唐文粹本

酒先養老賄不問吏既無吠犬

犬唐  
文粹

作亦無奸人臨年餘資幸蒙惠化

幸唐文  
粹作竊

其曷以臻茲

君子曰此天子至公內舉不避親錫汝明君

君唐文  
粹作尹張

公之力也夫公于國為外戚于帝為外弟重組累印珥

香貂者七葉奉車駙馬乘朱輪者十人勝衣則綺襦紈袴通籍則玉墀青瑣動則兩駮如舞坐則五鼎成列文

軒楚製素女趙舞而公儼兮其若客淡兮其無味

客舊本皆

作容今校正

心在四教語稱七德目視六籍口誦九歌懷君

子令德之忠保詩人錫類之孝悌有過于共被慈有踰于含食惡衣以居公服不敢降也屈體下士王綱不敢替也協二姓之好以正人倫旁無嬖御分一人之憂以審官政下多英傑若夫皇帝敬問之詔御札自書天王

命賜之衣上宮所製勞動則中使接武計議則走馬來

朝豈惟衆臣重其經術為吏雜以儒雅而已且公之升

聞于天

唐文粹于之字  
下多一德字

非一朝一夕之漸也亦所以稱

職于累官著聲于所在其丞祕書也闕文遺簡多在大

冢深為子孫之藏密有緘滕之固公不憚權貴或抵或

誘盡歸天閣

盡一本  
作畫非

官書備焉其牧郢也

郢字下唐文  
粹多一人字

人有不若德戮之不為暴人有不保居撫之不為諂存  
者考其事壯其食以畜之行者緝其宮藝其樹以待之

此邦之人既優他邦之人又重焉

重唐文粹作至

未盈一歲遂

增萬戶其守汾也仍歲大旱郡祠介推雖屢舞僊僊

僊僊

舊作仙非

而靈應未若公命東蘊請火伐樹實新釀酒而

祝曰有功于人祀為明神無德而祿禍亦覆餗自絳以來人實祀子純犧大璧不敢愛必以薦也童兒季女不敢黷必以敬也神既靡答人將安仰若亭午而雨則樹其鷺羽執此駢毛不然者火燎將至燉天鏢地靈衣且為煨燼豐屋將為茂草爾其圖之言未畢而雲興拜未

起而雨降周于闔境不入他郡雖封疆咫尺而彼竭我  
盈嘻若記能事載盛德渭川之竹不足簡終南之木不  
足軸夫訓人至于禮義曰德安人免于阡危曰功德者  
上賞于上下頌于下長老孜孜願刊于石以予學于舊  
史來即我謀且維與人編戶與人為伍與人出入與人  
言語知風俗之淳弊識政化之源本屬詞媿文書事益  
實詞曰

五代相韓七葉侍漢及我聖朝亦生邦翰大道無形貞

盡以幹含章不耀在割能斷情偽萬端吾道一貫帝選

賢尹無以易張金印紫綬京兆之良

良唐文粹作章

佩我鳴玉

冠我兩梁天子休命拜手以將寬而愛人立滅暴彊明  
明天子哀此南畝將息西人遂覲東后我教我訓我鎮  
我守茫茫三秦則罔餬口守死以義徇生不苟王曰外  
弟視人不佻何以寵之手書以詔何以問之賜衣而朝  
俾人華胥致君帝堯刻石作頌永世彌昭

京兆尹

唐六典京兆尹從三品

九有

商頌方命厥后奄有九有毛萇傳九有九州也

萬



類張華詩洪鈞陶萬類大塊稟四表虞書光被四表

國傳格海隅日出周書海隅出越小大邦周書越小

師長商書邦伯師長孔安國傳云衆長公卿也孔穎

六卿也與蠻貊字不相貫以承天休商書各守爾典

右丞蓋借作君長字用矣以承天休孔安國傳守其常

法承天美道三揖周禮土揖庶姓時揖異姓天揖同

時揖平推手也天列辟司馬相如封禪文歷選列辟

固典引德臣列辟功君百輿頌晉語輿人誦之曰佞

昭註輿衆也駁側陋虞書明明揚側陋孔安國傳明

穎達正義汝當明白舉其明德之人于辟隱鄙陋之處何必在位之人乃舉之也往時文人有嘗明揚側

陋四字為割截書語用者是從蔡十等左傳天有十沈註而未遠稽夫二孔之釋耳

故王臣公公臣大夫大夫士士臣臣卑卑與與臣隸隸臣僚僚臣僕僕臣臺孔穎達正義云公者五等

諸侯之總名公言公正無私也大夫者夫之言扶也大能扶成人也士者事也言能理庶事也服虔云早

造也造成事也與眾也佐早舉眾事也隸隸屬于吏也僚勞也共勞事也僕僕豎主藏者也臺給臺下微

也把宿負漢書張敞守京兆尹自趙廣漢誅後比更守尹如黃霸等數人皆不稱職京師寤廢

長安市偷盜尤多百賈苦之敞既視事求問長安父老偷盜酋長數人居皆温厚出從童騎問里以為長

者敞皆召見責問因貫其罪把其宿負令致諸偷以自贖偷長曰今一旦召詣府恐諸偷驚駭願一切受

署敞皆以為吏遣歸休置酒小偷悉來賀且飲醉偷  
長以赭汙其衣裾吏坐里閭出者汙赭輒收縛之  
一日捕得數百人窮治所犯或一人百餘發盡行法  
罰由是枹鼓稀鳴市無偷盜天子嘉之師古曰把執  
持淺為丈夫左傳宣子出曰吾鈎距漢書趙廣漢為  
鈎距以得事情鈎距者設欲知馬賈則先問狗已問  
羊又問牛然後及馬參伍其賈以類相準則知馬之  
貴賤不失實矣唯廣漢至精能行之他人效者莫能  
及也晉灼註鈎致也距閉也使對者無疑若不問  
而自知衆莫覺所由任數韓非子夫治法之至明者  
以閉其術為距也任數不任人是以有術之  
國不用譽而得人之情境內必治任數也亡國使兵  
公行乎其地而弗能圍禁者任人而無數也淮南子  
體道者逸而不窮畫一漢書百姓歌之曰蕭何為法  
任數者勞而無功畫一講若畫一曹參代之守而弗

失載其清靖民以寧壹師古曰畫一言整齊也宿豪漢書長安宿豪大猾東市賈萬城西萬章箭張

禁酒趙放杜陵揚章等皆通邪結黨挾養奸軌雜說文雜除草也他計切歷塊聖主得賢臣頌

過都越國先聲史記兵固有先聲而後實者族行左傳宮之奇掾

屬官通稱乃上謁漢書雋不疑傳盛服至門上謁含

章周易含章可貞孔穎達標陽元和郡縣志京兆府有標陽縣借客

報仇漢書朱雲少時通輕俠借鈴下晉書輿服志鈴

閤室南史何子平幼持操檢敦厲不登劉昫唐書本

一年關中久雨害稼京師饑詔出太倉米二遺秉小

百萬石給之二十二年春正月己巳幸東都

彼有遺秉此有滯穗  
委骨鮑照蕪城賦埋魂幽石委骨窮塵李善註委猶積也

不粒北史高允雖蒙寵待而家貧布衣妻子不粒  
東諸侯左傳卻擊將新軍且為公族大

夫以主東諸侯杜周書天降威台恐爾雅台我預註主齊魯之屬降威知我國有疵也商書以

台正于四方蕩析離居有定極孔穎達正義播蕩分台恐德勿類

析離其宥過尚書宥過無雙雞左傳公膳日雙雞饗居宅大刑故無小  
人竊更之以驚杜預

註卿大夫圍人鄭康成周禮註圍人掌養馬者  
省秣毛萇詩傳歲凶

馬不陶不獻服杜預左傳註復塏館左傳塏人杜預

註巧人塗者塏塗也孔穎達正義曰釋宮云鈇謂之鈇李巡曰鈇一名鈇塗工作具也郭璞云泥鈇也然

則巧是塗之所用因謂振廩同食左傳自廬以往振廩同食杜預註振

泥牆屋之人為巧人發也廩倉也同食道殣左傳道殣相望而女富溢尤上下無異饌也

盈壘道殣相望韋舟鮫衡麓蒲荷薪蒸左傳山林之昭註道冢曰殣

澤之萑蒲舟鮫守之藪之薪蒸虞候守之海之鹽蜃祈望守之杜預註衡鹿舟鮫虞候祈望皆官名也孔

穎達正義曰周禮司徒之屬有林衡之官掌巡林麓之禁鄭玄云衡平也平林麓之大小及所生者竹木

生平地曰林山足曰麓此置衡鹿之官守山林之木是其宜也舟是行水之器鮫是大魚之名澤中有水

有魚故以舟魚殮公羊傳俯而窺斬陰伐陽周禮仲鮫為官名也其戶方食魚殮

木仲夏斬陰木鄭康成註鄭司農云陽木春夏生者陰木秋冬生者玄謂陽木生山南者陰木生山北者

涇防

元和郡縣志涇水在京兆府雲陽縣西南二十五里初鄭國分涇水置鄭渠後倪寬又穿六輔

渠今此縣與三原界六道小渠猶有存者謹按秦始皇元年韓聞秦好興事欲疲之乃使水工鄭國間說令鑿涇水自仲山西瓠口為渠東注洛三百餘里欲以溉田中作而覺秦欲殺國國曰始臣為間然渠成亦秦之利秦以為然卒使就渠既成溉澤鹵之地四萬頃畝皆一鍾關中無凶年命為鄭國渠後至漢武帝元鼎六年一百三十六歲倪寬為左內史又奏請穿六輔渠以益溉鄭渠旁高仰之田後十六歲趙中大夫白公又奏穿涇水注渭中溉他山之石可以為田四千餘頃人得其饒而歌之

錯編管

左傳或取一編管焉或取秉秆焉杜預註編管苦也

乃終有慶

借用周易

坤卦匠石

莊子匠石之齊至于曲轅

台背黃髮

魯頌黃髮台背壽眉與試鄭康成箋

黃髮台背皆壽徵也台之鍾秉杜預左傳註六斛四

言鮐也大老則背有鮐文斗曰鍾何晏論語集

斛十六酒先養老家語酒者所以養病也養吠犬後漢書劉

太守簡除煩苛禁察非法郡中大化徵為將作大匠

山陰縣有五老叟龐眉皓髮自若邪山谷間出入

齋百錢以送寵寵勞之曰父老何自苦對曰山谷鄙

生未嘗識郡朝它守持吏發求民間至夜不絕或狗

吠竟夕民不得安自明府下車以來狗不夜吠民不

見吏年老遭值聖明今聞當見棄去故自扶奉送寵

曰吾政何能及公言邪勤苦惠化三國志盧毓遷安

父老為人選一大錢受之平廣平太守所在

有惠化內舉不避親韓非子聖王明君內舉奉車駙馬

唐書百官志奉車都尉掌馭副車有其名而無其人

大陳設則他官攝駙馬都尉無定員與奉車都尉皆



從五品下朱輪漢書楊惲傳惲家方隆綺襦紈袴漢書叙

綺襦紈袴之問非其好也晉灼曰白綺之襦冰紈之

通籍漢書霍光夫人顯及諸女皆通籍長信宮師

駢如舞詩鄭風執轡如組兩駢如舞孔穎達正義其

節文軒後漢書崔駰傳文素女史記太帝使素女鼓

止故破其瑟為二十五弦儼兮其若客道德經古之

妙立通深不可識夫唯不可識故強為之容與兮若

冬涉川猶兮若畏四隣儼兮其若客河上公註如客

畏主人儼然淡兮其無味道德經道之出四教禮記

崇四術立四教順先王詩書禮樂以六籍班固東都賦六籍所

不能談李善註令德左傳忠錫類詩孝子不匱永錫

六籍六經也為令德類鄭康成箋孝

子之行非有竭極之時長以與汝含食世說新語郝

亂在鄉里甚窮餒鄉人以公名德傳共飴之公常攜

以君之賢欲共濟君耳恐不能兼有所存公于是獨

往食輒含飯著兩頰邊還吐與二兒後並得存同過

江郁公亡翼為剡縣解職歸席敬問晉書成帝幼沖

與導書手詔則云惶恐言中書天王蔡邕獨斷天王

作詔則曰敬問于是以為定制天王諸夏之所稱天

下之所歸往接武武跡也借用禮衆臣重其經術漢

故稱天王接武武跡也借用禮衆臣重其經術漢

始元五年有一男子乘黃犢車建黃旒衣黃襜褕著黃冒詣北闕自謂衛太子公車以聞詔使公卿將軍中二千石雜識視長安中吏民聚觀者數萬人右將軍勒兵闕下以備非常丞相御史中二千石至者立莫敢發言京兆尹雋不疑後到叱從吏收縛或曰是非未可知且安之不疑曰諸君何患于衛太子昔蒯瞶違命出奔輒距而不納春秋是之衛太子得罪先帝亡不即死今來自詣此罪人也遂送詔獄天子與大將軍霍光聞而嘉之曰公卿大臣當用經術明于大誼繇是名聲重于朝廷在位者皆自以不及也

雜以儒雅漢書張敞治京兆畧循趙廣漢之迹方畧耳目發伏禁姦不如廣漢然敞本治春秋

以經術自輔其政頗雜儒雅唐書百官志祕書丞

往往表賢顯善不醇用誅罰唐書百官志祕書丞

五品緘滕莊子攝緘郢唐書地理志南東

上緘滕固局鐻郢道有郢州富水郡若德順

也周書弘保居尚書生民汾唐書地理志河東介推

祠太平寰宇記汾州介休縣有介山一名橫嶺地名

及遂與母偕隱而死晉侯求之不獲以綿上為之田

綿上此山即綿上田之故地漢以為縣屢舞僂僂詩

雅舍其坐遷屢舞僂僂孔東緼請火漢書蒯通傳即

亂家師古註緼覆餗周易鼎折足覆公餗其形渥凶

實也純犧高唐賦進純犧禱璇室孔大璧左傳畀余

亭午初學記纂要云日在午曰亭午孫綽遊天台鷺

羽詩陳風無冬無夏值其鷺羽毛萇傳鷺鳥之駢毛羽可以為翳鄭康成箋翳舞者所持以指麾駢毛

左傳王賴之而賜之駢旄之盟杜預註駢旄赤牛也孔穎達正義周禮牧人陽祀用駢牲檀弓云周人尚

亦牲用駢尚書洛誥云文王駢牛一武王駢牛一諸言駢皆是赤牛則知此駢旄是赤牛也旄謂尾也共

旄旄之用故其字從旄旄靈衣楚辭九歌靈衣兮來者旄旄行而從風偃也披披玉佩兮陸離

即我謀詩衛風匪來貿絲來即編戶漢書諸將故與我謀鄭康成箋即就也編戶帝為編戶民師

古註編戶言五代相韓史記留侯張良者其先韓人列次民籍也五代相韓也大父開地相韓昭侯宣惠

王襄哀王父平相釐王悼惠王悼惠王二十三年平卒卒二十歲秦滅韓良年少未宦事韓韓破良家僮

三百人弟死不葬悉以家財求刺客刺秦七葉侍漢左王為韓報仇以大父父五世相韓故

欽定四庫全書

王右丞集箋注  
卷二十一

二十八

沖詩金張藉舊業七葉珥漢貂李善註班固漢書金  
日磾贊曰七葉內侍何其盛也七葉自武至平也又  
張湯傳贊曰張氏之子孫相繼自宣元以來為侍中  
中常侍者凡十餘人功臣之後惟有金氏張氏親近  
貴寵比邦翰詩大雅大邦維屏大宗維翰毛萇傳翰  
于外戚邦翰翰也邦翰者互文借用為邦家楨翰之  
也大道無形淮南子大道無形大仁無親大  
幹周易蠱卦初六幹父之蠱有子考无 在割能斷晉  
咎厲終吉九二幹母之蠱不可貞 書  
袁宏為東征賦賦末列稱過江諸名德不及陶侃侃  
子胡奴嘗于曲室抽刃問宏曰家公勲跡如此君賦  
云何相忽宏窘急答曰我已盛稱尊公何乃言無因  
曰精金百汰在割能斷功以濟時職思靜亂長沙之  
勲為史所贊 兩梁杜氏通典漢武帝太初元年更名  
胡奴乃止 右扶風與左馮翊京兆尹是為三

輔治長安城中銀章青綬進天子休命尚書敢對揚天子之休命

明明天子

漢書韋玄成傳明明天子俊德烈烈明觀東后尚書歲二月東巡狩至于岱宗

柴望秩于山川肆覲東后孔三秦三輔黃圖項籍滅秦分其地為三以

安國傳遂見東方之國君章邯為雍王都廢丘司馬忻為塞王都視人不佻詩

標陽董翳為翟王都高奴謂之三秦雅我有嘉賓德音孔昭視民不佻君子是則是微毛

長傳佻愉也是則是微言可法微也鄭康成箋視古

示字也可以示天下之民使之不愉于禮義是乃君子所法微言其賢也問之詩鄭風雜

毛萇傳云問遺也

欽定四庫全書

王右丞集箋注  
卷二十一

二十九

王右丞集箋注卷二十一